

律

玉書庭全集卷之二

臨川毛伯丘兆麟著

啓

賀張冢宰

恭惟台臺誕秀斗魁鍾英山嶽敏亮成性人倫之
鑒夙推侃毅生風天子之毗久屬負垂天之翼自
快搏風積致雲之神固能作兩頃以白簡總憲共
推清理持平惟紀綱之司無負面折之汲黯則銓

管之地可爲啓事之山公故舊眷旣已天榮而新
簡于馬日麗遂晉六曹之長乃總三銓之權履通
星辰之班千官彩動手轉文昌之柄百秩心儀由
憲長之職而晉冢卿激揚旣互爲表裏以提糾之
能而秉甄敘用舍益晶其始終徐于木紙尾之書
全無肘掣韓魏公空頭之勅竟可身行福貽官方
慶流羣品不肖某濫榮繡斧之末寄重衡石之餘
憶風月於座間欣倚冰而眠桂影想桃李于蹊下

愛嚙雪而嚼梅花敢布候私爰攄勞積書塵閣上
龍門開天地之太平名䟽袖中燕厦安風雨之無
鄉恭敬敢云列于未將涵鑒竊冀寬其不享

啓登萊袁撫臺

伏以東序鐘鏞望品照人古道申台揆憲才猷幹
世芳摹新假一砥于中流鰲柱八奠續表宏稱於
東海太山四維恭惟台臺乾坤其氣岳瀆元精才
溢青箱筆裡擅三千禮樂秘傳黃石胸中藏數萬

甲兵嚼若君平履道合乎虛寂清如叔寶凝神吐
露繽紛

天子特推輪轂
夫人夙具鞞鈴
手出巨靈東海波
臣應革面天倚長劍
北門鎖鑰自聞名
不肖竊承
下風每欽素

斗喜榮榮之有期
愧駑驅之靡獲
伏惟

珍重可任戀瞻

啓鹽院劉年兄

伏以千載際河清之日
瑞靄堯天一陰迎梅熟之
期職調商鼎人值令辰
禧承旋履恭惟年兄德合
三才文起八代手握乾坤
開壽域何須續命五絲
坐消炎暑納槐陰獨許空階
一雀薰琴解愠知四
牡固已風行蒲酒生香恨
一盃未能躬獻伏惟春
育可任神依

啓湯霍林老師

伏以有承模範常瞻韓愈之山
未究切磋自遠馬

融之帳雲色冷巖幾尺鐸聲遼邈多年恭惟老師
台臺文章宗匠道德名儒立朝真鐵膽而銅肝教
人允金口而木舌負慷慨之志而當世事不足爲
吐噤噪之談而在廷臣莫能過凡其用舍行藏係
乎內外輕重風節度今時所未有當求之古人之
中豪傑無文王其猶興自奮乎百世之上雖十年
肥遯止娛白日于衡門而一片赤忠輒綵紅雲于
玉殿屬祥鱣應符賓有觀于上國乃飛龍成卦見
已利于大人安石如蒼生何東山斯出司馬相中
國矣北虜應聞不肖某品愧踈庸知蒙特達不敢
自躍于冶曰我且爲干將鑢鄒業有所貯于籠或
得附于牛溲馬渤祗緣間闕益歷瞻依手種堂前
之柳今見幾春眼看觀裏之桃恍如前度爰脩賦
誠用摠勞積

答總河陳蠡源啓

伏以䟽鑿功高潤銀潢于九曲平成績最映碧漢

于三台金堤挈銅柱之標雪屋捲桃花之浪商霖
喜溢傳楫歡騰恭惟台臺北斗紗籠南牀玉笋潘
江陸海文光絢彭蠡之虹麟閣鴻都正氣礪豐城
之鐔八表懼鉄冠之風偃百僚綴白鷺之汀遊廻
瀾看不斷沙鷗馮夷歌而鮫人舞夾岸覽無邊陂
樹蒹蘆蘭馥而蕙芷馨水部波臣日見徜徉于萬艦
河濱刺史時聽款乃于千檣某里依通德威借秉
旄雖造次而登元禮之車澄清未効幸咫尺而瞻
范老之鉞私濺常親誰比河清共企包公一笑有
擎柱砥應嗣禹服千年方愧乍任之匆劇未遑執
贄實忝小才之懵昧頗亟求師何當干戈倥偬之
中不廢禮文綢疊之舉鈴閣猶爾輕裘緩帶足規
羊叔子之風流軍旅依然羽扇綸巾益見蜀武侯
之暇整

啓黎大行

伏以高華人地屹然聳玉笋于班行卓杰名才嶄

爾挺琪枝於使署六轡馳寡君之命二星勤太史
之占恭惟台臺文章風氣獨上氣節光芒不磨皇
華咨誅之詩少勤諷詠當道澄清之志蚤見施行
自登名於龍馬時馳騁于驂騮布漢史絕域之威
國有人矣上虞廷來王之戒帝其俞哉四境采風
謠無如潘孟陽醜綠醜于山寺九門思諫諍有若
范文正進烏草于後官玉節金函夙著光華之重
望蘭臺梧省聳瞻風力於前矛香生梓里寵結楓

宸某識韓有素御李常殷文章爲作合之緣臭味
見論交之雅太冲紙自能貴玄晏何居子雲書固
堪傳君山偶中時受事之在初正詢謀之欲亟而
華函先及於鄙念殊愧寸楮申言永心矢德

啓長蘆監院李

伏以綸煥螭頭特簡代天之命霜明繡斧忻瞻麗
日之華光逼雲甃聲轟山谷恭惟台臺鳴陽威鳳

應數祥麟白簡霜飛自許稜稜鉄面皂囊風肅人
驚片片葵心不憚批領撻鱗望隱虎豹允追折檻
請劍膽落豺狼輿論僉歸共仰汲桓之風力宸衷
獨眷特擢張范以澄清某誼叨班侍沾並部氓樓
臺得月永依照臨之光河漢披星喜近熒煌之座
肅陳蕪牘聊布微悰

啓湯老師

伏以六經之文垂世非子覺之而誰一德之會興

朝以時考之則可五百年必有者二三子何患乎
恭惟老師台臺天作帝師心傳聖鐸有語言必妙
天下宜士類之宗若龍無英偉不在籠中知師門
之遊金驥佞山難觸色石空餘謂天之將喪斯文
不在茲耶抑道之將廢也命止或尼耳膚遜息息
身隱名尊徑迥松蘿付榮進於素定蹊成桃李補
化工於不言雖大聖大賢出處皆爲世重而君逸
臣逸汚隆實以此分豈若凡鱗常介之匹儔寧如

雙鳧乘鴈之集去老成可惜才難其然是以克告
於君不至阿其所好然而人無乎繆竟亦付之罔
聞回視獨對三千字之人可堪幾類十九年之刃
歲不我與名返爲災胡兒聞大蘇亦知起元祐眉
山之學走卒知君實顧令領嵩陽崇福之宮從古
已然於今奚責修而能見將以得天下之清時至
則行終必得聖人之任不肖某材庠莫亢質竄無
竒生匠石之園長伯樂之廐人見爲榮拍洪崖之
肩挽浮丘之袂自疑其骨濡轡甫驅駱馬埋輪欲
讐豺狼終屬由若求之使從庶幾我與爾之有是
後志于享未將幣帛之先無誨未嘗自行束修以
上伏願趣裝夙駕佇看袞衣繡裳之迎拭目彈冠
敢繼濃墨大字之頌

啓湖廣撫院薛正亭

伏惟卿月騰輝五位重封疆之寄台星炯照三湘
雄肆靖之風壯淮楚之金湯鞏西南之鎖鑰恭惟

台臺樞謨素蓄風望夙昂持國是較若權衡察機
宜響如著蔡碩德經文而緯武洪猷幹乾而轉坤
惟宵旰厯于荆襄故節鉞借之專闡芳猷籍籍駿
譽恢恢匪徒白簡朱威倚督察撫循之託實且台
英銓軸豎奮庸燮正之謨軌齊稷契績紀旆常某
自慙謏劣濫厠後塵竊幸厚緣叨聯鄰宇顧斗山
在望徒厯衮舄之瞻乃蒿雒爲羈茂遂旌旄之謁
謹馳螳後虔布雀忱伏祈鑒函曷勝榮抃

回湖廣舒按院

伏以風生鐵豸蘭臺高蹇諤之名日照花廳烏府
愆澄清之烈爰修忱于沼沚愧報乏乎瓊瑤恭惟
戶臺鼎礪鹽梅邦家柱石代一人之巡狩日月行
人敷三湘之恩威風雷震懾紀綱覃布聲聞丕振
于隣封惠澤洽流歡頌交騰于郡國喜棠蔭徧垂
三楚企法星獨耀西臺固將携一鶴以歸朝臣工
動色應是懷寸丹而獻闕天子改容清名高列御

屏鴻烈永垂青史某猥以樗材謬徼蘭臭頃承翰
惠久銘刻于五中肅採溪毛敬尚申于一介

啓唐府

伏以
殿下瑞木分枝璇源列派博學凝
神于天祿大雅注眷於甘泉魏闕懸心近邁申山
之德妹邦明命遠符康叔之賢不獨繪藻揆雲夙
擅八磚雄賦亦且親賢樂善足稱千里名駒曰孝
曰友肇有政於宮闈惟德惟賢固懷寧于屏翰博

覽窮乎四部光分太乙之青藜精煉就乎九還丹
傳枕中之鴻寶某不肖飲河爲鼠負山以蚤纒受
事而遂覺伎已先窮倘涉芬而酌料綆難深汲何
好善而忘勢今亦有古之賢王顧荷德而捫心愚
實非世之國士况局蟻封之分未申鴈見之忱
盛叨瑤緘隆戢高儀愧瓊玖之難酬殫露塵而一
報知依光之不遠矢報德以無誼

答馮撫臺送節

伏以三岐畝奏新暄異政於建牙千里瀾安共慶
名臣而作鑰久樂清時况當令節恭惟會臺地上
仙人天中福主何爲五月不炎共驚肅法也報兩
河俱潤聿布甘霖菖蒲引年藉節盃爭祝萬年君
子絃琴解愠宜夏政已稱三月唐虞某福祈已預
儀布未先謹拜授飡之隆益誌自公之感

回送馮撫臺節啓

伏以郡偶駐天中又值天中之節官非在事外少
偷事外之閑飲蒲水而知源托芹尊而致敬恭惟
台臺三星於天下太平兩月而境內大治於時爲
南風之薰琴彈財阜於節爲端陽之令觴泛膏流
恨艱陪從之緣歡渥錯珍之賜一芹匪以爲報寸
慙敢持未將願公加七益引年於菖蒲自我承筐
載颺風于葛藟躬覲不遙情攄有待

啓恤刑詹

伏以手可爲霖兩河悉沾潤澤盆應見日中天爰

復光明人稱一路福星自信三朝直道恭惟合臺
英茂登文苑之壇韶秀探史經之闡埋首墳丘梧
葉齋頭夜雨揚眉都會桃花馬上春衫初試定國
之廷遂稱平允隨奏釋之之政絕少淫刑爰天子
惠顧兩河以哲士恤矜中土筆舉爲恩伊洛春行
有脚園空少踴嵩高雲出無心信明時景星慶雲
而熙朝其雨化日者也某世誼幸托芝宇欣逢方
伎窮旁午之書乃底借輿矜之牘前事可師迷闕

或謔

啓總督都院張

伏以策決樞庭萬國藉折衝之畧勲題御柱三台
虛調燹之班忻瞻懋績於崇朝預慶寵光于不日
恭惟台臺清朝柱石名世經綸早捷賢科著魁元
之重望篤生間氣兼將相之全材能以衆正人稱
師中丈人獨止羣囂朝毗軍前長子威靈赫奕馮
樽俎以作干城號令森嚴肅貔而開才丰不必

金城圖覽首形盡在日中無煩寶劍鋒摧神氣頓
揚域外某不肖原列品微猥承君後無所不藉蔡
著止慝未親教迺江山飛越徒跣羊叔子緩帶輕
裘軍務勞煩不礙諸武侯綸巾羽扇一函報致寸
念爲芹天討旣宜重身宜護

又

伏以星亞三台寵綵渙頒乎木鳳風高八座崇階
晉貳於桑麟屹乎元老三朝卓矣長城四省恭惟

台臺神秀昂霄瑩輝鏡月蜚英鳳渚藻五色以凝
華擢穎龍泉煥九霄而吐異妙作探西藏之秘恂
看星斗羅胸高標聳恒岳之尊聿覩乾坤在手黜
業久誇韓范聲華直邁臯夔時錦官克詰天子特
借威靈乃小醜奔逝元戎已馳露布比淮蔡之裘
晉公功無此捷埒金城之趙克國謀更加奇某識
韓有素御李無緣方藉橐鞬之周旋一授謨謀之
指畫顧封域賴安攘之功卽不肖沃覆幬之賜貺

荷先施賀慙後舉知公高厚恕我稽遲

啓鄖陽撫院楊衡毓

伏以風紀峻中臺班崇鳳闕韜鈴清外閫望重龍
圖夷夏具瞻薦紳胥悅恭惟台臺匡時偉略命世
真儒文章馳騁先秦占斷雍函色秀道德儀型後
學劈開闢洛心傳時天子謂重鎮不可無公亦百
僚推大才乃克堪此假之節鉞畀以安攘法星依
輦轍動定係宗社安危軍國倚平章談笑鞏乾坤

日月倘非國手左提右挈何以局面內靖外安威
稜罔四達於西垂福庇則特先于中土某非敢獵
言共事實爾深荷餘波著蔡在前自敬共而不一
瓦礫居後非淘汰而何庸專函請教役志脩儀物
無吐其不享敬有恃于未將

恭惟

殿下派行天潢世承帝眷爲善効於東
平芳規在望績學全於河間秣苑知名懿哉爲藩

而爲屏允矣稱賢而稱哲依日月以爲宗龍種發
銀河之秀盟山河而開府桐珪揚玉漢之輝稔仰
恭儉之宜家獨表忠誠而翊國囊空學富方誇天
上麒麟禹煉丹還輒及雲中雞犬某識短任長才
踈負重义欽道範方欲問遙同南初涉文移遂至
稽儀拱比何王風吹惠頻煩仙檢于重霄俾士色
增華頓豁塵胎於末路緘情藉手佩德銘心

啓登撫袁節寰

恭惟台臺間世而生一才安邦以展三略本堅安
石之卧爲蒼生而偶一出山獨厯賈生之憂自散
僚而已三奏記豈但中宵起舞幾聞祖述之雞固
已當代同推獨擅士元之鳳金城何以定趙克國
自譚無踰老臣淮蔡何以平裴晉公業矢還瀕滅
賊蓋豪傑舉事俱有先定之成謀而人臣立功必
負素隆之夙望惟茲登萊要害實爲遼海咽喉貌

王書成全集
卷之二
啓
上無塵
之賜紅燭清醕寒夜天涯有韻朱旗畫戟空郊道
馭匹馬趨程正當冷風寒雪之中乃荷溫情隆禮
恭惟台臺經濟才優治安術裕操凜玉壺冰私室
公門似水政媿金莖露窮鄉邃谷如春某三冬叱
詢業肅一緘而問司南亦荷多儀以蘇仰北
某志雖深于攬轡望有忝于乘驄新授伊洛之體
髀刀正躊躇欲審初學邯鄲而冥眩步將匍匐誰
而啓張別駕豈由中實

啓賈浮弋年兄

伏以河水滌泗照暎故人顏色嵩山突兀瞻聆名
諫風規會稽暫屈安石於東山潮陽無損昌黎之
北斗恭惟年兄台臺名教嘗欲撐持節義素所蓄
積寧謂虎鬚難捋不惜龍鱗一批夫豈不知言出
而禍隨乃竟弗肯身容而道誦立仗馬一鳴輒斥

朝陽鳳三黜猶榮誰耕閑曠之野江湖而不忘其
君孰釣寂莫之濱詩書而尚友於古項已逢明主
之渙汗一旦而賜環者六人自可必大臣之回天
當今而召用乎惟我某幸叨世籍况共官曹一遯
從前臭味固已吹簣而吹箎回思別後音容徒有
歌蘭而歌芷邇欣叱馭恰便摠衣在水一方尚乏
伊人之訪自天尺素乃先賤子之遺

啓寧夏李撫臺

恭惟台臺擎天一柱庇世萬間生平才諳有餘固
經文而緯武方寸韜鈴獨裕自攘外而安中誰肅
斗刁塞月夜清千里帳一新壁壘套風書卸萬騎
枚

答三司送中秋

維茲秋色平分月華獨朗允明時之佳節洵人世
之良辰顧不佞才慙攬轡力媿埋輪碧宇高澄豈
有霜凝憲署銀河流耀未能露潤窮簷幸照我以

冰壺願比君子玉樹謹登果酒用比弦韋氣爽良
堪蒞政時艱益用瞿思同一月夜寧無別院愁人
願共君心偏照此間葑屋

送福府節啓

恭惟老殿下斐呈淇竹氣厲垣蒲葵腑傾丹披瓊
花於日下琴心解愠皎琪樹於風前丰稜儼辟兵
之符四郊無壘愷悌流續命之縷萬彙長春謹奉
佐觴之儀以伸獻芹之敬

賀吏部鄭方水

伏以星臺鴻漸明台曜於紫宸冰鏡鶯遷亮天工
於玄宰光生簪笏慶
榆恭惟台臺性裕經綸
天申黼黻名世文章
山龍之袞立朝丰采瑞

鳴岐鳳之姿新鹵秩以昭天子之尊咸服寅清協
贊稽典禮而肅明堂之制公推品藻持衡帝簡特
隆天卿右陟闕公門桃李之徑悉入品題撫禁林
梧竹之陰重增潤色多士彈冠快郭有道冲襟範

俗羣英挾纊喜山巨源雅藻繩時彌綸益注於紫
樞輔弼愈光乎丹陛某誼忝梓榮澤承樾蔭欣值
鶯遷之吉肅將燕賀之忱伏願玉海遙登金甌早
覆泥詔寵頒拜相真賢於夢卜沙堤新築擢衡特
上於星辰

啓陝西撫院孫拱陽

伏以黃扉簪白筆九重恩溢日華漢法凜秦關六
察望高風力寒生繡斧喜動蘭臺恭惟會臺濩濯

呈祥太行韞粹峻高標于雲漢鼓巨浪于天池花
縣分符擅十奇之芳譽楓宸被召際千載之昌辰
操炯鑒以定激揚將吏咸遵約束運良籌而周經
理兵農悉借帡幪遂協廷推更移閩鎮雍州千里
古稱百二金湯大畢四封今號三輔險要都臺加
錫命滿朝欽慶得仍拜中丞京邸早傳聲闔省詫
子嚴特臨西境作礪作霖作舟楫行重仔肩汝明
汝聽汝翼爲坐光帝業允矣一代明良之遇匪直

三秦河嶽之輝其蚤負微軀鷓班弱羽含香奏事
虛叨供侍螭頭攬轡登車寔媿同懸豹尾雖祥浮
函谷披覩爲難迺壤接邗鄆步趨未遠鯉魚生滌
滌敬托一介之緘燕子故飛飛忻隨萬間之賀野
芹炙背涓埃敢唐突清風渭樹嵩雲咫尺第瞻依
明月伏祈崇炤無任寵榮

啓僉院曹貞子老師

伏以殿中推弼法劔履迴曳星辰柱後仰惠文衮
繡光依日月寧是儀刑百辟且覘翊贊三朝屏息
臺綱馳神門仞恭惟老師閣下文武才兼吉甫華
夷望重汾陽邈自金莖初列署固已震灼九垓逮
夫玉闕薦䟽榮遂爾扶搖萬里特揚卓異上躋崇
階簪筆天垣丰采無煩折檻抒葵日下威稜遠憚
埋輪屹然駕海六鰲度允作萬邦之憲挺若檠天
一柱文應起八代之衰故持斧蒐良樹植遍梗楠

三書房全集
杞梓而登車索駿妙選超牝牡驪黃不謂樗材且
蒙葑采續覩太常之重寄分華九棘之榮登惟忠
貞久注御屏斯綱紀晉都卿貳霜信出天邊旋肅
栢臺木葉風聲播中土頓開嵩嶽雲峯北斗巖隆
比秦鏡高垂可卜小廉大法西樞秩峻似溫犀下
徹懸知吏習民安况冲主端揆所爲䟽附後先之
儔正賴台星清輦轂而小醜蠢動一切兵農錢穀
之吏尤需總憲定平章何期風紀小臣庇在臺端

大厦有如門生某也者承乏皇華矢懷靡及之念
仰遵憲令敢忘初譙之言悵懔幸免震凌覆露尚
希臨照欣聞新命喜切鳧趨謹庀蕪詞虔申燕賀
伏願袖中五色石補天輸賚亮之猷筆底九華文
燮鼎榦調元之軸

啓孫司寇

伏以班崇北斗夙稱喉舌之司地切西曹雅重股
肱之寄肅覩新綸之游錫式瞻吾道之元亨環海

彈冠舉朝拭目恭惟台臺三朝元老百代宗工繼
往開來獨闡關中學術經文緯武每高臺上勛猷
出處如祥麟威鳳久覆金甌聲華若華嶽泰山允
登玉鉉帝心簡在鼎命榮膺特從天部之仙班晉
陟爽鳩之常伯雖留都根本方資毛玠以持衡而
司寇例成尤倚臯陶而執法貫索星沉應沛蓼蕭
之澤結繩治效佇諧棘木之祥上星辰于閭闔寵
在端頭踐雲氣於蓬萊光依龍袞其自恧緯蕭濫
叨持斧銘心台庇翹首恩綸
伏願吉叶黃裳福綬赤舄迎沙堤之劍履早和鹽
梅調玉燭於樞機長爲柱石

啓職方余集生

伏以紫誥恩頒總萬方之戎政赤符命下攬八面
之威權社稷得人華夷胥慶恭惟台臺乾坤間氣
文武具瞻表冠裳於紫極眼空當道豺狼肅綱紀
於烏臺神賞四方鸞鳳察官邪持國是久稱赤舄

元公躋三獨逼八聯新擢白雲司馬谷釐九伐特
總五兵象天喉舌鳩司之統紀攸專作帝股肱麟
閣之丹青何忝行且以折衝千里之才旋而復舞
羽兩階之世鰈至鷦來澄旄頭於遼水茅歸格入
滅兕皮於文昌永賴鷹揚咸深雀躍某風濫中臺
之庇恒勤北斗之依慙乏黃石神韜快覩彤弓盛
典敢馳魚价祗賀燕禧伏願曳星辰之履榮生劍
鳥於清朝紀日月之常勛勒鼎彝於奕世

啓總漕呂天池

伏以北斗高懸七省轉漕上國西臺峻秩兩淮撫
衛中都代天子而勤清晏媲美玄圭爲司空而奏
平成增輝玉鼎恭惟台臺品高九德道貫三才文
經武緯胸藏溪上龍韜霜肅風清勛著臺端麟象
于藩而于宣鷹揚萬里之綱而之紀豸凜三朝允
帝簡之久孚念漕輸之重寄祗命元勳總領大計
仙舟巡貢河伯先驅其狂瀾軍令靖嚴神物護持

其保障兵餉常盈於西北民力不竭於東南艦舳
無鯨浪之虞周文襄轉輸並美露積絕狼煙之警
陳平江經略比隆旋看海若爲之効靈欣覩清風
與之著頌聖朝推補天浴日之功竝相胼胝元老
大地服爲霖作楫之罷咸歸召虎長材某叨承台
庇快仰麗新莫效鳧趨於虎帳恪修燕賀於魚緘
伏願瑞協星華恩隆宸極冰鏡恒浮於玉海千秋
頌河岳之呈祥槐樞佇拜夫金甌一代符地天之

交泰

寧夏總制李瞻于

伏以九重眷注山川歸節制之權八座從容軍國
茂平章之績夙仰台星絢綵謬承卿月分光厚賚
沾恩薄言裁謝恭惟台臺堯山韞粹蓼水呈祥製
錦雷封永著崇勛標鐵樹度支星署旋看大地湧
金錢秉憲節而志澄清恩波浩蕩坐薇垣而宣德
政輿誦溢洋爰移八郡長城總憲三邊重地金符

三書房全集卷之八
二四
寵錫江山分一半之天玉帳弘開文武凜萬邦之
憲蓋大中丞石畫業齊驅申虎于邊疆將新天子
泥封佇頒召夔龍于內禁某借帡幪于夏屋方懷
訪戴之私沾覆露于春臺忽拜先施之惠過承獎
借益令主臣紫氣縹緲非遙綵筆淋漓如對情文
備至荷玉帛之繽紛登拜自捫覺衷情之踴躍特
裁函以附遽使容端叩而申謝私不盡願言另具
別楮

啓少司空熊

伏以八座風高寵綍渙頒乎木鳳三台星耀崇階
晉貳於鳴鳩遐邇具瞻粉榆藉慶恭惟台臺一代
真儒百年名世斗山擁節鉞棠蔭湖湘經緯作干
城勛垂社稷范老子之英聲電騰外閭郭令公之
雅望鼎鑒中朝帝浴四岳疇若予工人望三朝汝
爲已試廼畀冬卿膺少常伯職敘百工佐營星於
邦事華升九棘應玄武於斗躔紀綱修繕之規條

奏悉保邦石畫杜塞淫巧之作啟沃盡崇儉丹箴
稱賢聖之君豈直若龜山入告負宰相之望佇看
如貞一調元某夙承道範快睹天綸引領龍光翹
模型之暫遠傾心燕賀慚筐篚之靡豐伏惟帝眷
薦庶工蚤正台階之席卿雲報三日旋敷斗杓之
功
答謝撫臺蔡元履
恭惟台臺八座崇班三朝碩德經文緯武裕富歐

韓范之訃謨繼往開來紹濂洛闢閩之道統擁玉
節而秉雕弧霜凜六弢金版控炎輿而鎮平城春
生四省黃輿肅秦荆之要塞爲國重臣據江漢之
上游作帝長子出臨井鉞暫勞六纛之儀入踐丰
樞佇正三能之位某叨步鸞行於左掖曾聞曳履
之聲遙瞻犀節于南雲忽枉函書之惠儼承面命
殊切心藏

啓大司農李震門

伏以明君貴德台垣隆主計之權元老籌邊軍國
拜平章之命歡騰九有慶溢一時恭惟台臺勲者
一代達尊德業三朝碩輔正學得晦翁之四字百
折不回雄文失江左于六朝千人自廢四十年中
外剔歷都人士終服孤高億萬世根本度支聖天
子久思清鯁寵頒鳳詔宣屬龍頭雉尾雲移玉墀
曳星辰之步御烟身惹金鑾瞻日月之光國家係
以安危華夷因而輕重足食足兵之計仰藉訐謨

憂民憂國之忠益據偉抱真內順外威之自允經
文緯武之猷某江右弱植風紀小臣啣命仙都覆
鍊久叨鴻翼驅車汝水瞻雲莫遂鳧趨有心隨忤
舞之班無計縮迢遙之地潔涓埃于七日廼敢陳
詞借沼沚之一毛用將明信伏願簡注常隆崇禱
彌遠濟川調鼎業益晉于舟楫藍梅日盛月新天
益俾于熾昌耆艾

啓總漕蘇石水公祖

伏以開府奏殊勛節鉞隨使星而轉驛總臺膺特
簡幢旌映卿月而揚暉威名丕振於興朝風紀肅
彰於薄海福關宗社慶溢簪紳恭惟台臺殷國良
弼周鳥碩膚筆絢三千之禮樂天上文昌胸蟠百
萬之甲兵人間武庫流春膏以視權寬租與商賈
之歌懸秋魄以掄材較蕪播士林之譽保障而安
鴻鴈清汎一而斷鯨鯢三年之鎖鑰森嚴一方之金
湯鞏固方今邊烽遺不了之肩妖氛留未殄之憂

聚甲乙之訟於廟堂急庚癸之呼於戎伍足兵先
足食江淮控轉運之關治法在治人輸輓需經濟
之略伊尹任天下重非自而誰杜甫論當世才如
公者幾上益明習從人情物望之協而選河臣天
欲治平得文經武緯之資而專督餉某軫時方切
聞報輒折首爲公家慶治粟有鄴侯足建安攘之
績隨思舊誼喜植棠如召伯游升輔弼之班何企
龍光乃叨鯉素

請次賀撫臺房素中公祖陞總漕

伏以八座擁樓船四海沛澄清之化百司歸管轄
羣寮沾濡沐之恩念切朝宗賀申瀝悃恭惟老公
祖台臺祁山韜粹易水呈祥位正坤維萬馬羣中
駐足氣凌乾柱六鰲背上擎天喉舌歷中台貴戚
泥樓胥歛跡股肱壯神甸賢能盈缶共承流皇皇
千里金湯鎖鑰茲寄汪汪兩河通塞舟楫其誰制
函載錫玄圭計節兼持紫署千帆魚貫馮夷效順

慰鯨波萬掃龍蟠瓠子興歌遵鴈渚河山若襮七
鎮呼吸相通天地爲爐萬品甄陶在握允百代明
良之遇真一時魚水之歡某托畊鑿之舊民已幸
借麻有自覩綸綍之新命深懷芹獻末由有心隨
忭舞之班無計縮迢迢之地簡材官于兩地喜同
燕子飛飛裁只贖于三齋情劇蛙聲閣閣肅將明
信惟冀優容伏願勲業彌崇地天長泰秉光明之
燭惠鮮遍照逃亾濟利涉之川偉伐世歌砥柱

詩卦啓兩廣軍門胡泰六公祖

伏以鎖嚴兩粵金符耀日月之光開奠八紘玉帳
肅風霜之氣合華夷而聲播爲宗社而歡騰恭惟
台臺三朝名碩一代老成學蘊古今擅科名而不
媿才兼文武投艱大以咸宜嶽峙望風標聳朱陵
紫蓋之竒萬仞巖巖而獨立淵泓藏經濟滙雲慶
洞庭之秀千頃浩浩以難窺青瑣班中峩聳朝廷

之豸角絳紗深處品題多士之鴻章乃於視學之
餘復懋保釐之績江南建節若唐室令公之賢塞
北聞風有中國司馬之號鎮莫巖于二廣地尤重
于三韓幸賴干城借資彈壓按六條而肅治將吏
承風屈羣策以壯猷兵農覆露寧憂蛇豕佇畫麒
麟其快覩雄威之遠聊申訊候之私所祈款塞寧
邊以攘外而鞏安內之略還朝秉軸移出將而收
入相之勛

王書成全集
啓南贛軍門唐存憶公祖

伏以栢府宣猷碩望表三臺之重楓宸特簡崇階
歷八座之尊普地具瞻同天胥慶恭惟台臺鼎軸
上資圭璋瑋品燭青藜于天上瑞應壁奎貫紫氣
于斗間光躔吳越擅美則盡東南之寶羣英皆拜
乎下風居身則在夷惠之間自任又肩乎先覺獨
立敢言之氣司臺諫而凜鐵面不愧于方明罰勅
法之才晉廷平而秉石心直追本德俠鉞開三省

之府春生捲日之牙旗揚威擁一面之權寒冽飛
霜之虎帳允矣長城事業卓哉柱石勛名某昔荷
交驩登龍門而御李今叨子惠望烏戟而瞻韓終
不可誼兮奚啻斗山之仰永以爲好也愧乏瓊玖
之將贖旣無文儀復不賧惟海之納無門之麾謹
啓

啓公祖方伯董定所

伏以藩宣樹駿九重之寵命自天方嶽垂鴻萬姓

王書成全集
之謳吟動地人瞻化日路戴福星恭惟台臺三晉
蜚英五臺毓秀鋒寒照雪雙文截淵底之犀藻麗
生烟三策貴寰中之紙司關中憲有嚴有翼霜肅
栢臺總江右藩不競不綵風清薇省丕著旬宣之
化殿天子邦獨收保障之功爲諸侯最其隸尺籍
而受塵勒寸楫而布臆昔承餽贐比于賜之則受
之氓今尚書紳志其施未有倦之德無瓊可報雖
欲報而末由有幣則將况未將而已達

曷勝感

啓江西廉憲程坤輿公祖

伏以憲節凝寒攬轡建澄清之略法星垂照褰帷
凜觀察之威引領雲瞻竦神斗仰恭惟台臺粹韞
天球清涵月鑑家宗理學澤存正叔之餘地剖精
華脉接新安之續文章全五嶽三光之氣口吐西
京典籍窮二酉四庫之藏胸羅東壁蚤伐廣寒之
桂尋看上苑之花錦製雷封百里子民歌嵐悌香

含星署一時邦禮賴寅清績茂南宮恩隆北闕總
司鎖鑰巖巖風憲之尊永奠金湯慄慄紀綱之肅
行見收功于六察還看肩鉅于九重某忻附青雲
遙瞻紫氣計都門拜違之後無非暮雲春樹之思
自臬臺蒞治以來徒有泰山北斗之望缺焉聞問
積忱何藉以通薄矣幣將推愛幸勿之吐言誠不
盡神與俱隨

啓江西驛傳道姚功玄公祖

伏以威肅旌旄凜冽深秋之氣望隆山斗昭回景
曜之輝披霧神馳瞻雲喜溢恭惟台臺奎躔間氣
吳皖人豪儲秀璣源風味醞伊周之鼎擷芳玉府
聲華剗董賈之墻奪上國之龍標榜放黃金日射
擢中垣之蟬座袖橫白簡霜飛暨緣志在于澄清
遂借威行于憲節福星炯炯自天分軫翼之光惠
雨霏霏隨地灑置郵之潤行將歸袞衣而依日月
卽看曳履綦以上星辰某夙欽諫議鴻名得執鞭

而忻願今受保釐駿惠欲負弩而奚從未報瓊施
徒增汗媿肅將篚實少代懷來汪度能容朴衷如
結

答謝新陞兵部陳蠡源

伏以玄圭報命聿成八載之神功寶劍秉樞特重
五雲之帝簡楓陞之眷懷方渥粉鄉之賀悃宜申
甫效幣將何當瓊報恭惟台臺修名蓋代大業憲
天胸有甲兵居帷決千里之勝身爲鎖鑰出鎮動

四夷之詢憲文武于萬邦法度紀綱攸敘奏澄清
于四瀆江淮河漢安流禹貢紀平成底定其魚之
窟明廷隆輔佐晉居司馬之堂樽俎可折衝乎旌
旗胥生色矣將舉朝之神氣賴震疊而克張而荒
圉之妖氛藉誅鋤而頓息于家于國可法可傳某
折仰前矛淑規後范維桑誼切方陳弋弋之儀投
李情踈反辱多多之賜謝惟九頓報以十行

答謝新陞刑部李玄白

伏以台星轉曜賀言方愧于投桃卿月垂光多賜
更殷于報玖未央懷臆曷旣感扃恭惟台臺靈孕
長庚輝分太乙茂先三十乘供繡虎于毫端伸淹
數萬兵運韜龍于掌上功成轉運鄭侯猷望冠三
臺秩掌明刑于相陰隲高八座誠哉緯武經文之
畧展矣安內攘外之勛某積有朴誠良爲宗社暨
生靈而表慶慚無腆貺何當珠唾偕文錦而飛來
九頓拜而猶輕五內勒而未已遙瞻白下遙望紫

臨

答謝新陞偏沅軍門楊衡毓

伏以仗鉞臨邊夙望落妖氛之膽運籌居幄新猷
燎烈焰之毛燕賀方申鴻施忽及竊自藺夷乘釁
而蠢動幾搖半壁之天亾何鬼方告變而驛騷殆
無寸乾之地糾彼苗仲聲援無類不通攻我陴墜
城守有謀亦竭非得寇公之鎖鑰誰能阡護北門
必資范公之甲兵始可驚破西賊復開要鎮特簡

元戎恭惟台臺一德作述萬邦爲憲掌上經綸盡
起納溝于衽席胸中韜略堪扶累卵于金湯府開
鄖之西會見蜀道削平殪彼樊中之鳥節移湖以
北直令黔驢技盡烹若釜底之魚驚塞外之關傳
懼非大范聽軍中之鼓舞樂有令公還看袞繡入
朝一丹親旂常紀績某時艱在目邊警榮心天下事
尚可爲得公而喜書中言原不盡達意而將復承
瓊玖之頒益重木桃之愧愛存五內感逾百朋所
祈蕩滅狼烽鞏金甌于無缺儀圖麟閣述銀管于
不忘

賀南光祿卿史企愚老師陞侍郎

伏以聖主得人之盛臺星炯炤於中庖賢臣洊歷
彌芳卿月暫輝於南國榮分桃李啣舊德之惟深
庇切門墻竚新綸之卽下摠迎有待鼓舞何窮恭
惟師臺清儲沆瀣秀稟扶輿節槩已重於嶙峋勛
名愈增其赫奕中外望之如鳴鳳爭看白簡之霜

朝廷倚之問投覲非湛青萍之景是以寵頒金筋
大官聊試調梅遂廼密約銀青主爵隆推列棘雲
護璽書天上出望王氣龍虎岩嶷風迓旌旗日邊
來詹客星鳳凰縹緲江山色喜士庶懽聲盖蒞卿
位于南畿華要已聯八座更移仙班于北闕清輝
尤映三台某柱下備員汝中末品憶昔虬闈綱紀
陶鑄敢忘鴻鈞兼茲燕邸綢繆休光時親塵緒適
聞寵命頓騰鵲躍之歡俯罄微忱式修燕賀之典
遙望師門以傳魚素行趨相府而覲龍光

啓南京操院熊壇石

伏以鳳藻崇庸授鉞破千層之浪龍蟠重控開幢
撐半壁之天穹命方新慶貽豐芑輿情共戴喜切
粉榆恭惟台臺噓氣浮龍凌霄駕鳳英姿嶽峙櫻
鱗折檻而不驚偉抱淵泓浴日補天而自信熟計
疆場之利害總期徹土以綢桑極陳進退之忠邪
必欲滋苗而去莠庶寮惕慮明主改容榮晉罔卿

雲錦昭秉心之塞箴垂圍府路鼓擴宸聽之聰考
牧斯臧顛槐伊邇迺宵旰厪留都爲心腹故節鉞
專外闔於襟喉燦戟遙臨河山載震盪鯨氛於嶼
島斷犀革於潢池日南高鎖鑰之功雪濤可靚斗
北虛鈞衡之席雲庇欣垂某顧慚襪線幸奉鞭弭
聞讜論而傾心未効附名盛事持正人以無恐詎
閑同里阿私久殷公有于寸丹今布賀忱于尺素
茲竝騎驅牡同是蹇蹇言臣而近水與雲自非悠

悠行路伏願江淮肆靖開鉉蚤膺誇吾鄉立業之
隆屈指難繼頌聖主得人之盛大字以書

啓新撫臺韓峯嶺公祖

伏以秉鉞揚闢門之休允文允武外嚴昭內治之
美嘉謀嘉猷儼劔履於前旄搖旌霄漢望星纏於
故國中夜台垣躍牝無涯帡幪有藉恭惟台臺石
階毓秀臯渚鍾祥文章海內宗工勛業朝端柱石
李官屈驥麟振趾于麋園蘭省批鱗鳳孤鳴於瑣

聞言則聽諫則行蒼生望以爲霖雅必崇浮必黜
學者仰之若斗遡吾鄉得人最盛惟子歲衡士亟
稱卞和爲玉人無不收之瓊玖蹇修作冰氏有先
字之娉婷亶矣其然不寧惟是雖專門韋學而旁
抽䟽通知遠之書且屢較棘闈而博取東西南北
之士以人事主其崇惟皇歷晉華階俾膺節鉞是
以牛斗之野真人重叶于潁川前茲羔鴈之庭禮
士復聞于仲舉香峰觀裏恍疑玄度來游天寶洞
中驚傳文昌坐鎮風生滌戟威震河山匡衡若壻
其崇高彭蠡悉爲之澄泌昔魏公平草之拜始于
西夏傾心今新伯帶礪之封亦由南顧發跡則綸
綍之天申有意知鼎衡之日晉非遙某廳技已窮
牡驅何補藉萬間之庥庇喜切維桑奉三獨之尊
嚴枕將米菲俯鳴賀悃仰冀台函伏願經緯蓋弘
力謀畢舉織桃細李並托根狄相之門列棘顯槐
早振彩漢庭之席

啓朱相國

伏以位列紫垣帝顓阿衡之託綸頒青禁人快維
石之瞻竹帛有光華夷胥藉恭惟閣下天錫真宰
嶽降精英調神鼎之氤氳蘭芬自馥播朱絃之愷
悌筠抱彌鮮鼓吹詞垣叶宮商之正律甄提道業
析微眇之真詮士有所待而興如蠅附驥物無不
冶而化譬金在鎔彝章飭具泰乾步于丹霄帷幄
亮工姤離光于碧殿丕茲懋績允賴調元肆新命

之誕膺寔帝心之簡在國今相司馬將無擅幕顧
驚君自擬夔龍遙見玉階雍皞蓋篤生良弼應名
世之五百期而柄用真儒乃親賢之第一務事無
煩于夢卜頌已騰于縉紳某謬叨螭簡勲業宜褒
屬奉牡驅班謁莫及聞大拜于廟廊忻諸遠望增
休光于檠戟肅致賀忱

啓江西鹿巖公祖

伏以鄴侯出屏衍仙樹之盤根召伯來宣新其棠

之美蔭光搖分軫慶洽接衡薇垣暫借耦尊栢府
佇延獨坐恭惟台臺方山孕秀泌水鍾靈岸節嶙
峒力轉行山之峻冰姿綽約氣嘘姑射之神令聞
早擅龍門上第高題鴈塔使星芒動人間已見福
臨漢月光垂閔漠久傳烽靜厥來孔惠所去見思
中外之勛名維其崇矣左右之旬宣無不宜之蓋
國家重岳牧亟需元老紆猷而周召稱保釐亦藉
于蕃懋績是以文昌上宿昭回牛斗之墟方嶽維

巖並位紫薇之府貞僚秩秩敷政優優天寶洞中
細轉春風之有路滕王閣下橫陳秋水之無波鎮
千里而奠金甌戎有良翰備四時以調玉燭治豈
小康凡稱宇下之氓悉荷鍾中之造某莠林末品
汝圃常流列藉市塵每興青睞覆露厠名仕版顧
慚白簡飛霜拜縶戟而馳神闐闐洪崖之月盼祥
光而極目迢迢鶴嶺之雲尚阻執鞭遙附素書躋
躡願言聽履跂遲紫氣樞迎

賀贖江西撫臺房素中公祖晉總河之任

伏以劔履方新望霄漢烟雲裊裊袞衣信宿緬河
梁楊柳依依企切葵傾忱抒荇薦恭惟台臺宗亢
玄齡祥鍾太乙百辟藉綱維之重鉞授豫章舉朝
推舟楫之才綸申異命予工疇若陟孤貳以兼階
女徃其欽召僕夫而夙駕遂使四疆花鳥迎隼旗
鶴蓋之來顧茲三楚貔夾飛龍巨魚以往風翻
牙纛洪崖之壁無光雲擁旌旗青海之波起舞蓋

景星華日非一隅所得私廼南浦西山寔千里之
共悵帡幪暫離於宇下霖雨旋沛于寰中其分隸
編氓夙承枯骨媿壯驅之何補靡及徒懷欣鵬運
之自高鳴虔尤切采芹嵩嶽望紫氣以遐將依樾
雲霄鑒赤忱而麾頓彋彋寸縷頻頻餘情伏乞涵
茹可勝依戀

啓順天巡撫岳石梁

伏以雄旌初指神京舒宵旰之眉寶劍新磨邊塞

落單于之膽識軍容之頓改繇望威之素孚中外
懽呼兵民鼓暢恭惟台臺靈孕四明氣吐八極地
負海涵之學家有淵源天清水止之文世傳珙璧
身任覺民重六鰲背上之擎山力挽逝波頽萬羣
中之駐足自儀曹而領外郡西江畫戟擁專城歷
憲臬而鎮价藩東粵碧幢開保障攬轡盧龍之地
肅一道之于旌建牙天府之區控九邊之鎖鑰文
事而兼武備尊俎以寓折衝葢草木素熟于威名

故江山不勞于指顧行見長城萬里復恢東隅半
壁之天佇看泰山四維永拱北極重輪之日廓清
宇宙胥歌方叔壯猷帶礪河山立拜晉公新命某
誼深年譜籍屬鄰封夙慕韓荆州仰人寰之山斗
今御李司隸惠藝圃之球瑯望雄傑欲直抵黃龍
堪爲社稷得人之慶想光儀敢土通赤鯉預告
樞入相之符懷賀悃于萬千達微忱于一二曷維
其已其如有容

啓禮部右堂鄭

伏以秩敘勲崇炎社席清平之祉絲綸望重蒼生
竚開濟之猷禮樂象二祖十一宗之功共球受五
服千八百之奉恩覃蠢動慶溢臣鄰恭惟台臺函
蓋元神文章司命映七十峯之翠色發奧義于韋
編滙一萬頃之雲陂擷芳蕤于芸閣歐陽得士霞
搖和璧隋珠司馬抽辭虹射金函石室草生書帶
宜載筆之名高花應金腰想覆甌之兆近眷咨宗
伯秩協玉堂華蟲補于袞裳䟽越宜諸清廟人文
昭朗士遵規矩準繩王道蕩平世頌澹泊寧靜况
某李桃共蔭久淑玉輝樗櫟自慚得程鉛割叱馳
驅于中土適當災沴之臻布懇款于九闈未見精
誠之感所希右挈庶徹中堅敢走蕪辭仰塵睿鑒
伏願泰階蚤陟解澤旁敷革面不如革心大闡中
和之化罔赦不如罔治宏開趨避之門則寶籙與
函蓋無疆而神胄共嵩河齊永

啓兵侍吳繼踈

伏以土宇瓜分捧日慶從龍之會英賢輻湊聚星
占司馬之門机梃持以無虞旌旆于焉改色均輝
梓里更劇蘭交恭惟台臺天下奇才中興名世涵
日朗風清之慧千古無前弘天覆地載之規萬生
備我養標近從雪峯懸千尺之冰借鑑要司秋水
映四空之影分猷淵寺授節雄藩頃羊犬之互騷
乃夔龍之並用巖廊端笏都出將入相之權尊俎

運籌裕內順外威之略膽寒椎結空庭寧敢彎弓
影靜行枚清塞爭爲投石界六師而董正方需九
地之謀轉一氣以調和埃晉三階之陟况其辱在
粉榆之社蕪尋管鮑之知薰德善良敢附魯鄒之
近遵途黽勉寧淪道義之盟千里面譚夢容暉于
彷彿一宵風雨阻晤對于音塵茲當攬轡之初適
際勛勳之會東移西補嗟物力之無多近附遠摧
休人心之不固訛言蓬起夜嘯驚梁半旅飈馳晨

炊羞釜謂腹心之無恙庶肩背之可瘳幾竭芻思
冀成弋獲徼嘉俞于九五杳若重玄破弊習于二
三紛如非白安能燭照消亂萌于歲時之先况欲
風行決事幾于呼吸之頃敢希睿斷大施慈衷敬
矢泥函仰塵鈴閣伏願天和頤養帝錫晉蕃以廓
蕩爲事終大抒神智以固結爲本始力贊鴻慈鋤
草護禾目見南疇之復茂翦荆植木手斟北極以
常尊

啓南京新司寇李

伏以北斗天之喉舌象應台衡西曹帝之股肱寵
先名世旣竣烏臺之重寄載流丹筆之祥刑轉運
功高持平望慰恭惟台臺乾坤清淑雷電威明斗
以南一人價重匡時於夾日冀之北萬馬羣空絕
影於追風滾滾詞源咳唾落珠璣之燦翩翩學府
心胸羅象緯之玄介氣則砥柱中流人不敢于以
私亦不干人以私愛朝罔輕一諾練達則駕車熟

王書庭全集
四
路事不能爲之窘亦不爲事所窘分藝足了千人
乃武乃文之才之美筮仕風清李署升華星轉符
司奉常典禮樂之宗開府建三楚之節是以特簡
風猷晉司邦禁將使法行不玩隱銷根本之憂庶
幾民自不冤顯收畫象之理某受事兩河依光八
座引領楷模之在望地阻登龍拭目開軸之立升
情深躍雀達寸心於一介通尺帛於十行崇鑒是
祈淵兢惟秉

啓江西巡撫房素中公祖

伏以文武爲憲鴻名齊北斗高懸謀斷兼資駿烈
遍南州遠播及其廣大莫不尊親口出自心手加
諸額恭惟台臺恒嶽精英玄靈風範文章流采西
崑東璧之光華科第奪標北海南溟之變化氣干
霄漢上百士爭避其鋒語洩鴻濛前六丁莫措其
手初發矧于錦邑旋攬轡于烏臺寶瑟瑤琴浸影
冰壺澄月魄朱干繡斧捍衡絳帳足風流化洽修

文才雄講武遂自廷平之列晉居開府之尊豺虎
潛踪彈壓副澄清之志鴈鴻安集拊循興保障之
歌方今三陲有風鶴之震驚四郊多戎馬之蠢動
惟江之右賴公以安若非么麼之奸折其萌何以
全省之憂銷其隱某家食樂郊之福飲水而必究
其源神遊化宇之恢戴天而難名其德薄言菲幣
恭候繁禧照千里併照寸心不盡悃陳于簡牘安
一省以安天下行看功勳于旆常

啓江西按院謝玄中公祖

伏以噦噦而來聽鳴鳳薰蘭臭于同行行且止避
乘驄拔茅茹于泰君子道長天下化成譽滿普寰
慶先行部恭惟台臺雄才蓋代高韻照人口吐西
京詞藻奪三湘之秀胸羅東壁丘墳窮二酉之藏
雅量納百川淆不濁澄不清比雲夢澤之宏深更
廣粹衷涵二氣望可親卽可敬方荆山玉之光潤
底溫蚤發巍科尋登上第出揚使命口傳天語到

雞林入晉臺班身帶霜威持豸斧調停國是上殿
爭而下殿和振肅官常小臣廉而大臣法正氣久
騰于補闕芳聲復浹于觀風攬轡澄清波偃西江
之水望塵震撼瘴消南顧之烟國人之手額交懽
天子之股肱攸賴某誼叨寅寮分屬子民引領龍
旌一路光呈福曜挈身燕厦萬間庇荷帡雲喜軫
翼之同纏實連分野奈河梁之異狩末遂迎騶蕭
布賀忱祗祈容鑒

謝刑部主政劉玉孺

伏以天陛䟽榮馴雉錄循良之異雲司虛席爽鳩
庸簡在之賢寵自上頒儀何下逮恭惟臺下恒嶽
發祥薊門振秀披書天祿光分太乙之藜振轡燕
臺價重天衢之駿爲鳳翥爲龍翔麟經獨步于兩
闈如雲蒸如霞變鴻烈遍揚于四國琴聲清遠悠
悠聽三邑之歌花影葳絳燦燦壯兩河之色喜上
林之鸞轉出谷遷喬頌粉署之雞含明刑弼教從

此罰行于必則奸猾之魂搖若夫罪疑惟輕則肺
石之冤洗仁流丹筆望重黃扉其借資明德共事
中州地方倚之而來沾濡雨露朝命迫之而往依
傍雲霄賀悃無以先施鼎既忽焉遠及紳書厚誼
感若百朋璧反隆儀拜宜九頌

賀宗伯蕭玄圃老師

伏以東尹新除兆鶴禁螽斯之慶南宮舊學增龍
門桃李之馨瞻台斗于天闕雲霄拭目佇凝丞于

帝座蠢動歸心敢叩春函敬敦夙駕恭惟神臺儲
靈八桂證位三山調神鼎之氤氳蘭芬自遠播朱
絃之疏越筠抱彌鮮鼓吹詞壇嶰植叶參差之鳳
律甄提道脉河祥開變化之龍書一代宗工三朝
耆碩直鸞坡而視草文章雅重絲綸倚鰲觀以譚
經禮樂弘敷啓沃品高月旦鄧林羅貫日之瑰材
誨謝天言洙水沛回春之時雨及華仗雖通于帝
慶而靈飛尚鬱于輿情行吟將日月爭光剛述睹

陽秋再續冥懷隱見世擬祥麇滿腹精神人姿海
鶴適方隅之多事勤俊乂之傍求謂祗見郊壇宜
卜萃禋之顯相而錫承祚胤合隆蒙養之明師以
編物之皇仁協先天之睿智恩存玉署特簡于疇
人之中眷密金甌明見乎萬里之外歡騰裔夏喜
溢門墻某自分駑儔幸入孫陽之錄濫居驄使勉
希桓典之風殷夙夜以拮据未卜漂搖之所屈指
通明而上愬寧知感格之末由顧戀德懷知銘結
久貞于歿齒而疏蹤濶節寒暄殊缺于承顏快茲
仁賢嚮用之初徒爲朝廷得人之賀聊陳悃款莫
罄鬱陶伏願爲國愛身前民造命鴻修六翮拔異
質以翀霄海下百流納羣長以奠極車攻甫草翼
寶錄于中興鼎實豔梅勒豐銘于上序

啓鄉紳文總制

伏以仗鉞鎮邊勛業堪圖麟閣上圖基賭墅聲華

仍動鳳池頭方少俟以請徵輸忽先施而煩寵幣
深懷感佩肅勒謝悰恭惟台臺負公輔器號社稷
臣文爲經武爲緯合文武以兼資久矣望高樞府
安則相危則將隨安危而共注隱然功著旂常藏
百萬之兵甲于蟠胸發祥在南河而馳威薊以北
談三六之韜略于抵掌詰戎在西陝而折虜海之
東經綸無徃不宜雲中上谷之間尤嚴鎖鑰籌畫
有謀輒効漁陽鎮朔之地總倚于城晝銷烽火靖

龍沙夜絕胡笳清鴈塞似茲萬邦爲憲正須壯南
國之猷庶幾一德是孚豈宜久東山之卧某想聞
揮羽忻願執鞭憂國急燃眉誰是請纓恢復三韓
之塊土籌邊頻感額孰堪借箸雄增萬竈之炊烟
北門惟賴寇公拊髀會先思舊聞中國復相司馬
宣麻侍看出長安懸知鳳詔日新良幸龍門居近
望而引領俄傳尺牘飛來拜則開函驚捧鼎珍下
逮敢云反錦媿乏報瓊是用復以十行自合勒之

五內云云
啓禮科給諫陳玉鉉
伏以班踐瑣垣風動黃門之草袖懷封事霜飛白
簡之花蓋惟諤也 有挾以告若是以凜也 皆望而
虛席聲傳八表慶集一人恭惟台臺金莖澄澈玉
瓚光華醞釀藻章子昂號海內之文宗復振其響
渾涵德器仲恭作人倫之冠冕再紹其徽赤水珠
光前後十二乘之朗照青雲鵬翮扶搖九萬里之

五位以登三當其任重君民已握造宮之算及茲
化成禮樂衆思皇國之猷有苗未格于兩階舜咨
文命玃狁孔熾于六月吉啓元戎嗟也 鷄鳴擁火
城于柳塞稜也 霜曉開沙路于榆關虎帳傳呼旌
旂易色轅門聽誓天日爲昭唐室兼資有靖振休
仁之竒而卑其品宋賢接武有韓范富虞之養而
陋其勛惟肩萬人所共避之途宜奏千古所未嘗
之烈相司馬矣想契丹之驚心見大人焉佇回紇

之稽角名歸秘苑濯清朝文史之靈捷入仙源雪
往牒帝王之憤某叨觀仁里彌切台瞻悉做賦以
從空懷愛莫助之愧率衆庶以竢異沾臻厥成之
庶敬竭懇衷希收愚得伏願惜閒暇之天與期飭
厲之日精勿以肘掣而灰心勿以舌敝而却步天
未陰而徹土事尚可爲歲方旱而作霖是誠在我
王者大一統何以折衝于千里之遙天子守四夷
何以還師于衽席之上鳳池歸去益深裴杜之知
鴻略封時光贊康宣之業

保定巡撫張蓬玄

伏以星拱辰居屹長城于天之尺五風清右輔壯
神氣于國之寶三遙瞻新節之臨情殷就日共羨
雄威之播色樹披雲恭惟台臺夷清尹任杜斷房
謀泰嶽毓精華才擅萬人之傑燕臺傳盛事名高
千佛之經讀百家有用之書茹古激今實也盡歸
注厝抽一腔無底之蘊經文緯武恢也罔究端倪

筮任明刑愷悌有平翻之案升華司選清通掌衡
鑑之權談風月以無私敘銓流品履星辰而直上
晉典容臺才大而淵萬邦爲憲志同而合一德是
速帝欲任以股肱特受安攘之重寄郡孰當其肩
臂先綏馮翊之要區鎖鑰旣嚴金湯自鞏銷隱憂
于三輔衽席春回決勝算于九關鏡歌夜靜某折
聞偉略徒懸御李之思擬拜下風未遂瞻韓之頂
九里遙分河潤飲德難名一天睇望斗懸依光殊

切

啓天津巡撫李懋明

伏以天開重鎮福星揚一路之輝霜凜雄關法曜
起三軍之色壯先聲于塞幕蔚榮問于鄉閭慶溢
楓宸懽騰梓里恭惟台臺猶龍仙派吐鳳英標文
章兩門之間爾雅直追永叔人物三代以上羽儀
堪盆端卿鳥一鳴而驚人影動婆娑娑之秋色鰲連

五言集
鈞以震地錦輝絢爛之春光初試牛刀戶聽絃而
花縣俄持豸斧門施祭而栢參錢塘江上潮避
乘驄而遏止天台山外島揚攬轡以澄清似此長
駕遠馭之才豈但効旬宣于藩翰惟是知人善任
之主自應授節鉞于名流天津扼水陸之衝屹然
一面開府提兵餉之算渙矣萬心盤錯惟今爲然
鎖鑰非公不可某誼因世重謂爲德薰制節過河
梁偶值巡方之隔令儀勞夢想未伸投轄之懽是
赫也天威靖三陲而咸懼

賀工部侍郎趙儕鶴

伏以龍光渙渥起黃髮于宿聞雉正躋榮答丹衷
于特簡忻覩更新之治聿彰求舊之風慶溢興朝
道關泰運恭惟台臺王畿間氣帝里碩膚神宗在
宥以來奉職懷忠已蜚聲于抗疏今上御極之始
搜賢起廢遂被寵于賜環令德令儀學者仰如山

斗至誠至信舉世重若著龜格君非道德仁義不
陳立朝以正直忠厚爲本蓋自鴻冥意遠龍卧望
尊棲遲自責于丘園濡削靡通于津要高風介氣
不易三公偉譽英標益隆四海泰山喬嶽誰不企
仰某魏崇景星慶雲爭以得睹爲祥瑞喜其來而
嘆其晚驚徵召之自天事是君而使是民進崇班
于近日升華起部副貳冬卿汝明汝聽數爲增光
帝業作礪作霖作舟楫允協輿情某私以往殷修
阻莫由稱北面神交未徃美人空自望西方幸值
老成發潛德之光竊効聖主得賢臣之頌敢上無
文之牘併申不腆之儀

啓劉貞白相國

伏以業成捧日熙帝載于巍乎望慰作霖歛神功
于寂若斲遂養高之請終需任重之才欲借論思
定徵元輔恭惟向閣下柱擎天軸嶽鎮地維累
代華腴羨七業俱興不數三殿之雅雅絕倫文藻

訖百函立就奚多九制之揮揮似從彭蠡湖中霧
浪濯成錦繡疑向豫章林內雲根挺出棟梁憶先
帝于卜甌以伊傅之猷望成厥志思遺言于憑几
非堯舜之道不陳于前寵晉國師誠正開治平之
偉略砥弘聖德敬承賴咸有之阿衡方攄赤膽之
忠正協黑頭之望何當勇退中流歌魚水之懽尤
羨錦旋滿路慶龍雲之護書從天祿較青藜留燭
照南昌賦就廬山高綠野瞻星懸北斗今夷氛尚
熾况兼國是靡調政須寅亮天工豈得下寧穡事
某自慙樛質叨藉粉鄉望望龍門曳履展升堂之
拜依依燕厦捲簾容傍戶之飛邇緣身繫河梁時
切神馳左右聊陳不腆少布未將伏祈茂集新禧
養經綸于謝墅益崇舊德起良弼于傳巖

啓相國吳曙谷老師

伏以聖主得賢臣應五百年之泰運先憂兼後樂
尋六一堂之芳盟宿德雅負經綸冲獻想聞風采

王書成生集
五八
亟承簡在克展論思恭惟
閣下覺世先知格
天大業蘭蕙挺中林之秀
文章卓冠豫章草廬結
華蓋之高道學傳爲家學
龍墀對策太史占五色
之雲虎觀談經學士驗八
磚之日禮闈勞物色一
榜登閔綸閣効匡襄百揆
時叙乃皇祖優容國老
斲還太傅于東山逮今上
寵渥親臣頻下徵書于
比闕鴻冥高遠若忘塵壒
之風烟龍德卷舒應作
旱乾之霖雨紛紜國是徵
主盟有元輔幾回止沸
揚湯搶攘夷氛非決勝在
廟謨何異臨圍爭奕公
一日不出天下事堪再誤
乎使三聘幡然溝中瘠
尚可起也某枌榆小子桃
李門生夙荷甄陶幸廁
名于入彀茲承卯翼叨捧
檄于觀風矩誨銘心服
教同韋弦之佩時艱觸目
濟川需舟楫之才有安
石風流須蚤爲蒼生而出
雖遼人桀黠聞再相司
馬而驚物望彌殷天禧益
集肅申通侯用布匪將
敬陳洛社之堂兼上玉褒之頌

啓江西督學張鍾山公祖

伏以青藜夜照光分太乙之垣絳帳春融瑞映文昌之府移奎纏而絢彩臨斗野以騰輝色改泮宮眉揚章甫恭惟老公祖台臺自成七物先覺七人毓秀廣陵奕葉傳九齡之金鑑擷英玉蕊文章詫萬選之青錢韶氣冲夷甄提道業環詞麗則掌握經籤昔含粉署之香今振金聲之鐸望氣識豐城劍發光芒在牛斗之間運斧採豫章材經大匠作

棟梁之用盡釐輶苗十三郡之耳目重新最當鑑衡數百年之人文益熾某神傾鴻寶忻願執鞭望矚龍光莫能負弩茲喜鄉邦之後進獲瞻名世之儒宗文字一經其品題士氣十倍其精采
桃李不言咸皈依于神造芝蘭俱化竊仰止于德馨
啓
啓天啓撫州郡守莊鶴坡公祖
伏以紫綈宜綴借一鸞以寄屏翰黃堂展采膺五

馬以任保釐慶集新旌權騰舊愛恭惟老公祖台
臺天宇佳融風規峻灼目營四海胸抱千秋振遠
韻于南華懸高名于北斗文章驚吐鳳同儕均拜
下風姓字喜登龍通國咸稱上瑞雷名震遠直追
軾轍齊聲海度茹弘僉識伊周共品推匡時之有
略卽承眷之獨優政試牧民夙擅循良之雋譽職
專掌計益隆軍國之殊勳簡在帝心晉居邦伯簾
垂夜月千家動襦袴之歌車帶甘霖四野慕犢牛
之化佇看洪都天府再瞻渤海風謠某講世情殷
叨餘榮于附驥受塵分定荷大庇于瞻熊地阻躬
迎遙望龍門之峻絕牘陳篚賀敢隨燕羽以差池
伏冀鑒容易勝忻躍

賀撫臺房素中陞總漕

伏以輟召雨于閨中遐壤劇顧懷之戀作傳弁于
河側近郊快心膂之聯國脉將地紀閑通民命與
軍資灌注蛟龍避采川岳効靈恭惟老公祖台臺

明德世崇玄符獨握方書烈烈九衢星宿粲綱維
泮沼昭昭萬里虹霓于氣象肆平反于西寺咨衡
鑒于中區百二里山河滙湛恩而未罄七十峰山
色對貞操以猶慚屬邪黨之蓬興凜明威而萌剪
閭闔按堵娟娟士女樂桑麻市肆無譁泛泛帆檣
來粳稻倘响沫者鱗無暴日寧焦心者口不言功
眷惟西交之尋柯僉憶東山之破斧矧河源呈皎
將開有道之祥而運道迂違會作中流之梗特簡
冬卿而北借倚乘春令以南疏雖咫尺旌麾猶幸
瞻依之孔邇然間闕乳哺堪憐攀卧之無從敬矢
蕪函遙干清衛伏願行所無事易則有功以大瀆
爲長城默寢潢池之傾仄以下蟠爲上際永延寶
曆之隆平庶幾容保之舊氓長荷覆幬之新澤

啓禮部侍郎蕭玄圃老師

伏以北斗望尊弼亮佐新猷之治南宮秩峻眷求

隆舊德之推歡聲溢揆路以揚休佳氣映師門而
煥彩恭惟老師閣下道先民覺忠結主知八桂奇
吐天香四海景瞻人瑞如金錫如圭璧絢輝煌廊
廟之珍惟麩葉惟藍梅富醞釀唐虞之略五色占
太史金華殿上文章一朵捧玉皇寶鼎燴中環珮
棲鸞坡而視草振瀛洲閭苑之標直虎觀以橫經
冠天祿石渠之彥禮闈取士草茅逢藻鑑直上蓬
萊貢籍得人茹彙喜連翩盡歸桃李學士名高班
馬久儲夙望于黃扉儒宗踵接夔龍忽慕清娛于
綠野遂榮晝錦逍遙十載之仙乃眷帝衷鄭重三
朝之老特隆委任晉貳秩宗筆削鴻編纂修燕翼
從此手扶日月展綸閣之論思佇看履上星辰繼
虞廷之喜起某叨承爐冶忝側門墻溲渤收于藥
籠期濟世有參苓之用樗櫟程于匠石念引繩無
尺寸之遺感恩方依戀于夙知聞報遂忻躍于特
簡儀刑在望願砥礪之益堅埏埴莫酌惟結術之

王書成全集
卷之二
啓
永矢伏希丙鑒罔旣寅局

啓原任九江李莪明老師問辨道代職于

伏以舊恩隆國士懋棠存召伯之思蚤譽重寰區
拔茹起安石之卧榮生簪紱慶溢閭閻恭惟老師
匡時碩輔名世偉人厚德鎮浮山有華而川有瀆
清標振俗玉爲佩而璫爲裾至大至剛蓋得孔孟
之道遂開閩派先知先覺將以堯舜其君堪任阿
衡酉穴擧芳學討諸儒之秘甲科拾芥名題千佛

之經蜚英夙著于花封峻秩洊登于畫省暨擢江
州之守益弘保障之猷蓋自入試棘闈較閱魚龍
之陣迄于出擁巖郡坐綰麟虎之符則公之聲施
固表比大江以西而人之羨菲宜咄也後畀有比
事久論定輿情合舉薦之公德至君求大用展經
綸之略某叨恩十世愧備一莊比桃李之于化雨
春風久沾培植若泥沙之于大冶丹鼎蓋藉范型
有施則先過辱煌也之文錦無瓊可報祗懷耿也

之素衷伏願爲國家之重而自珍因蒼生之望而
復出引領聊憑鴈達削牘倍躍雀歡曷罄颺言可
勝企仰其四以十世雖論一非以財李之干以兩
事心答王部呂公舉議之公許至許未大用吳
香發廣寒宮瑞耀首南都之秀功深堂構內虞衡
膺北闕之休英瑋標竒于墨客卿雲係望于蒼生
恭惟台臺三朝碩輔四海名流才成九有文揚淮
浦之波操潔六飛調寡揚春之和鶴鳴聲遠居然

紫殿雄風鴻舉宏猷允矣皇家喬木光昭貢玉之
堂勲著解薜之履其夙沐雲津新領風韻覩芝函
之煥彩頻騰雀躍之歡望闕漢以馳神聯獻蛩鳴
之頌佇看柱石功名高唐室之臣早和鹽梅事業
匹商家之佐關澤同天澤俱綿台星與德星並耀
冀察鄙衷俯垂清閱
賀楚府壽其
伏以祥凝斗極騰爲三楚之光春報花辰適屆千

賀楚府壽

其

啓

秋之節遠稽支隆玉牒繩繩長發其祥今當宴啓
瑤池攘攘快覩其盛豈云呼嵩之祝第專嚮於堯
民願以稱觴之私竊効忠於魯頌奠國家磐石之
固永比岡陵綿宗藩奕葉之傳茂承松柏盈盈一
水無能牽庶而進紫芝區區鄙悰竊欲薦芹而祈
黃耆

請楚按臺陸大和年兄

伏以三湘春色共道隨驄馬有脚而來二月烟光

正好向鵲機比肩以玩幸逢連璧驂驪可無瓊
盃酒恭惟年臺以素風裁爲真御史搖動不但山
岳經綸而以雲雷方歲序之新更衡峯換色乃豸
驄之聿至江漢澄清在黔黔重威名已破膽于狂
酋在楚楚安恩澤自賚歡于黎庶繡衣臨鄂渚當
春桃李爭迎法斧劃南天指日豺狼並匿惟予有
幸獲藉南車何子多情至虛左席旣陶陶于永夜
華燭清酌復縷縷乎佳談芸編縑什爰脩酬酢之

儀一續麓墳之響春光雖半園林有未完之鶯花
公事頗餘尊罍無相妨之職業敢祈命駕已戒張
筵

回督撫朱恒岳

恭惟台臺望聳夔龍相宜司馬甲兵耀日直鎖瞿
塘灑灑之闕芻飼承風足裕軍國捨攘之地寵新
台鼎功著旂常武侯擒縱如神安石從容有旨藺
奢膽破一旦妖鏡塵埋賞罰傾心萬姓香盆頂戴

陵烟劍閣周旋黃鶴白雲破浪銅標調固金甌王
燭某半籌未佐殘局徒憂黔事靡寧蜀楚恐難安
枕拙謀雖竣華夷還賴擎天仰屋月臨定識萬川
圓滿捧翰風便顯達兩載艱辛剖腹藏珠縈懷銘
鼎謳歌大夏思禹績之平成向往陽春興朱明之
盼睐

賀總憲李崧毓壽

伏以太微增政府之輝星堪審象嵩岳續封人之

祝月正臨弧恭羨綉紱之逢年敬同玉符而獻籙
仰惟台臺庚長垣極影正天中鳳闕匡君六月息
而風積逾厚龍門宗李斗以南而霞蔚知歸遡自
監周旣昭假而生山甫出而佑國必平格以保召
公當期以壯軍猷足邦計爲靈丹在伐毛洗髓之
外此日以嚴六察總九流皆壽域卽海屋蓬瀛之
中青鳥啣書不比桑間之載勝華桐吐秀伴來壺
內之仙桃凝介祉于昌辰將月鑄曲江之鏡逐飛

毳于香騎流虹分宣室之觴蓋惟聖王之得賢臣
吟嘯風雲之玄感故爲王者而生名世升恒日月
以長扶某籟得氣以知鳴鳩同拂羽波分餘而自
潤萍始生池憶昔車攬富波曾踈瞻乎紫氣嗣後
門依黍谷更厚飫以丹砂所謂我有二天幸遇公
朋三壽第念後羈黃雀莫吹一曲以南飛惟忻名
在月臺肅寫長春而北祝伏願培九州之元氣見
士女休佐四目之天光祈聖人壽魯周父子詎止

引世于崇封堯舜君臣會共十年於永曆
賀江西撫臺韓公祖榮轉

伏以玉斧挿廬雲萬仞光芒凌斗柄金麾搖蠡漚
三江瑞靄映波瀾鴻名久重於中朝崇隲遂膺乎
上席懽忭無已賀候爭前恭惟老公祖台臺龍淵
捧日鰲柱擎天英標聳諫院神羊忠讜播掖垣鳴
鳳權衡吏治低昂廣仕路蕪薪品藻賢才培植樹
公門桃李入爲殿上夔龍出則軍中韓范油雲膏

巾窮簷蔀屋蒙庥迅電轟雷社鼠城狐屏跡當西
北戎馬交馳之日奠一方於磐石之安值東南杼
軸告空之秋措萬姓於衽席之上寇萊公嚴北門
之鎖鑰此日重光周召伯芾南國之甘棠於今再
睹應九重之夢卜恩綸新擢司農快百尹之具瞻
崇位遄登揆席某分屬編氓德叨帡庇家園子弟
獲沾教化之恩桑梓田疇極荷寬容之愛自慙承
乏於仙鄉莫遂馳檄于閣座風塵奔走及瓜幸屆

其期歲月蹉跎報績愧鯨于職頃逢榮擢一奏賀
私

啓江西按院張見平公祖

伏以紫豸凌霜正氣撼匡岳千峯之岫青驄耀日
英風搖潯陽九水之波夙佩德於蘭馨今承休於
樾蔭懽騰雀躍喜動蛙吟恭惟老公祖台臺箕裘
世胄閎闕名宗一門慶衍金閨三代芳傳玉署鳧
飛花縣瑤琴聲雜管絃清鵠立楓廷鉄簡寒驚鳩

鵲迥登車攬轡都門道路埋輪代狩巡方江國豺
狼奔跡揚清激濁貞百度以肅百寮勅法明刑約
三章以嚴三尺大江西去十三郡電掣雷轟吳水
東來千百里雲開天霽法星初曜於豫章瑞靄已
凝於彭蠡某班聯附驥誼切登龍長安沐愛愧承
瓊玖先施楚水羈棲未遂涓埃酬報適惟借重於
鄉陬深荷叨光於幪庇

遇出望外願慙由衷敬

王書慶全集
十一
械一紙蟻忱虔貢三薰燕賀丹葵傾日表
寔寐頻懸紅杏倚雲邊慶忤實切

回襄府送元霄

恭惟 殿下璇源振采玉葉凝華溫文以理聰
明稱傳世之燈譏尊而光道德樹燎庭之火青藜
有杖讀書五夜帝子自生其輝秘枕多竒下士八
公仙人還錫以曜况當豐年之慶祝寧無元夜之
笙歌方愧驄馬之匆忙未與兔園之追待

啓新總憲喬

伏以殿中執法太微標楓陛之聲靈柱後惠文左
輔壯栢臺之氣色仰止已非一朝就正始於今日
恭惟台翁 三朝元老四海鉅公精忠與勁

節齊芳悖大同小心互用川爲楫金爲礪惟聖主
所用之帝之師王之佐舍明公而誰乎正色清朝
積憤者前有讒而不見後有賊而不知納言紫極
痛快者言無微而可忽功無細而可捐誅奸雄於

既死但使二百四十年直筆凜凜猶嚴噓端亮以
如生始信三萬六千日定評昭昭具在久隆民譽
特簡帝心某豫章蕭艾臨汝駑駘川黔躑躅愧無
胸中數十萬之甲兵荆楚輓飛幸有民間幾百千
之芻粟仰藉威靈聊完職守焦薄魂色思報雀而
天德難酬開懌心顏聽遷鶯而身支欲舞暫將鳥
使上叩鈞衡莫逐鳧趨徒深慚悵

啓總憲李崧毓加銜并賀壽

伏以胄宿在酉大梁地闢以乙元月律當辰高岳
申生而三祝玉帳和風拜舞金鑿清韵懽呼恭惟
台翁老先生北斗望隆東曹秩峻運經綸于掌上
直令千萬世後食福以無疆總樞軸于寰中頓使
二百年來式靈而有道撐擎天之一柱巍煥乎鳳
閣龍樓任負海之六鰲調固夫金旣玉燭美專八
鹿頌餘九如裴中立常爲世運攸開李文靖不愧
聖人所謂趨虎拜以颺休者轉聞遐擬于僖公近



原件短缺

王書成全集卷之二
龍顏而有喜焉還信嚮福于箕子四十載爵祿名
位叠考中書八千歲春夏秋冬大椿上古恰好桃
浪飛霞自快柳衣戲綵某夙叨宇庇適慶弧懸奔
走唯命是從敢謂長庚偏照楚鑪鑄永祈再造自
欣蹊李獨栽劉匏繫咏梅花庶玉笛長安聲徹壽
持添鶴算異瑤觴純嘏駢臻伏願帝載惟熙陽春
時播爲鹽梅爲舟楫爲霖雨汝河四海溢洋壽而
家壽而國壽天下南極五方輝耀

霖雨之恩時望之所咸歸帝心因而眷注謂北司
樞要急須妙選重臣而留都奉常未應久羈元老
式頒寵詔晉擢臺端肅法紀于中丞作百僚之冠
冕振羽儀于獨座挈五院之綱維况當戎馬驛騷
之時更藉猶龍鎮定之力文貞至而開元重邁彼
前聞李勉入而朝廷尊美于今見某夙仰高標欣
逢盛事芝函絢彩快心社稷得人栢府提衡翹首
澄清有日綴寅丹而展愫莫効悃于鳧趨憑子墨

以颺言敢申忱乎燕賀
賀吏部尚書崔振峯壽
伏以文昌特簡方遡神出于山川元弼應圖又屆
良生乎日月一麟披綬九鶴集庭謹奏尚以南飛
表長羸而三祝恭惟
老先生鸞輝霄漢鯨力
滄溟霜儀山斗齊懸夙培神氣宥府風雷獨運久
總樞權自養高梵志一行之鄉靈仙近宅今銓主
玉山金鏡之座壽域開荒化冶鑄以達賢開桐感
其儀鳳金鑑陳而贊聖格人比于元龜值茲卦叶
乾元羲爻出潛之候兼以日中仲呂漢相談輔之
符軫曜政祭于天垣酌飲喜醲于君賜化日方永
兕克赤舄之逢時薰風初來愠解蒼生之望歲以
繼長增高而運世何殊桃熟莫生以承乾運斗爲
大年不假丹牀藥火允朋三而衍羨庚歛五以錫
疇某赤鯉難騎紫蘭可紉身羈砂井悵隔雞犬于
爐邊氣索小巫莫頌夔龍于天上所願持玉衡而

長世忻瞻沙淺蓬萊翊辰極以全昌共十石巖槐

棘

大平啓顧相國

伏以沙堤列棘鳳儀覽一德之輝鉉路崇槐鴻羽

映三台之曜靈樞玄感川坎東歸恭惟

老先

生神識璣衡希聲律瑋玉山金粟世傳元漢之榮

封樂園靈巖地占希文之舊業曦彤一正姬煦羣

萌樂育英才道閑生民之夢覺緝熙帝學身佩當

世之安危彌華漢代黑幡永刻媯皇青玉某騰懽

典冊羈役封疆有柱擎天曾具慶公師之正席無

階執轡莫躬御元老之得輿嗣後斷望長安空注

想五雲多處緣以拙炊蠻府徒遙瞻千仞高崗茲

幸瓜代之及期念負墻之在近敬竭芹心而致候

稍酌水以喻誠謬于楚邊歌釐秬之詩同首長而

問君實所願日下掃浮雲之瘴凜風度以邁九齡

嚮違之深中夜看泰階之明潤訥辭難盡卑禴依

夏屋之幘幪

又

伏以紫極星暉調燮平敷於五緯黃扉日麗栽培
遍洽於八紘一掬玄工萬間洪庇恭惟

老先

生金粟傳芳沙堤擅譽任天下重謀猷濬發于宮
坊爲帝者師啓沃勤渠於講幄輪迎赤舄綵綸冠
池上之蹤廷播黃麻霖雨繫寰中之望遂開億萬
世太平之運洵應五百年名世之期者也某才慚

揮斥誼荷辱收於役中州曾肅一楫之賀載馳南
國莫申九頓之虔茲值瓜期聊抒芹悃三台翹首
無能披閭闔之雲千里馳神有意對樓臺之月伏
惟丙鑒可任寅瞻

啓朱相國

伏以鼎正金鉉沙路榮行上弼星明北斗薇垣高
仰元台世矚升猷皇嘉咸德恭惟

老先生承

曦忠藿壽世靈著占國姓而應名世之興玄感風

雲盛會事冲主而定評謨之命黼黻文武神猷敬
握璣衡五石補天于鰲極虛通江海一手脩月于
蛾池極一時棘位槐階生色同寅之稷契仰千載
堯堂舜陛親身今日之唐虞某多望五雲峻瞻八
柱頊者開麻宣專座于中禁會慶君子之得與嗣
雖以匆趨一月于長安未許小人之得御追問毒
淫而深入徒瞻袞繡以遐思茲及瓜期薄嗽茅貢
摩銅標而旌抑止祈元功之勒鼎彝酌漢水以比
絮芳願洪慈之終浩蕩謔諄志候偃僕銘心

啓魏相國

伏以亦寫行沙人仰夔龍于天上金鉉酌斗星瞻
箕昴于垣中玄感靈樞矢鳴下里恭惟
生丹書翊命青玉補天鳳司曆以成時燦若發三
光之元氣鰲定波而立極灝乎涵萬彙之真虛精
迷金隄曷意之鄉名應咸德一心之世天眉地乳

道參太極成圖轡影樞光功比虞池洗日上帝久
資象求之異下民永歸情卜之常某景仰端槐延
盱公枳憶天中問宣麻之鳳詔曾遠忻君子之得
與自京邸馳過隙之駒光末親許小人之擊缶尋
行南服深入槃瓠之谿遙企中台久荒君實之問
茲瓜期之比及幸蓬島之將依蕭布丹衷僭干紫
閣所願旂常銘日月高圖漢世之麒麟步履趨風
雲永會熙朝之龍虎

候戶部尚書李

伏以聽履上星辰久正司徒之位垂紳依日月新
聯宮保之班况匡時莫亟理財且察吏原資主計
要地以得人爲幸普天皆加額相傳恭惟台臺三
朝宿望九鼎重名平生膏澤下民何啻江河潤物
透底肝腸致主自當魚水投懽屬東西多事之時
三空四盡正中外無謀之際脚亂手忙致煩煖閣
焦勞思股肱而求一德遂召陪京耆舊繇喉舌而

王書庵全集
七九
晉三公蓋聖念全盛輸將何遽捉衿露肘乃睿圖
從長補救固須借箸請籌妙手經綸展布恰宜今
日及時霖雨沾濡應徧遐方在祖制地卿兼考成
奏績皆由殿最卽周官冢宰制國用阜財輒授統
均人知事柄獨尊天俟力臣再陟欣聞制下喜播
寰中矧君聲氣之求豈後衣冠之願某本無長技
徒有朴忠加賦雖完不免剗肉醫瘡之痛興師未
已能無鋤瓜及本之虞幸大賢初典度支覺率土

便增氣色不加賦而用足且暮遇之苟三年而有
成朞月可矣想望維新之治實獲我心瞻依下濟
之光以永終譽慶雖擬於燕厦儀僅比於澗毛

候刑部侍郎饒

伏以懷渭城之朝雨悵久睽違念仁者之贈言慚
多虛負翹首天邊之翼馳神腹上之松恭惟台臺
人倫冠冕世道羽儀吾鄉節義文章固占從來風

王書慶全集
氣我輩事功名實應推第一品流屹然身繫太平
不愧匡山鎮地允矣心成一德恰如蠶水浴天
某晚出維桑欣成御李蚤蒙投分捐形迹以訂心
期昨值臨岐載祖尊而哦別賦西南物力竭矣子
好爲之至今言猶在耳公私交受困焉吾未如何
每念能無愧心屬茲竣事之時彌切負公之懼况
黔師未艾正難剜肉以醫瘡而楚澤已枯却恐鋤
瓜而及本三省莫知稅駕一官祗覺累民雖我職

粗完皆知已玉成之力顧此役曷旣亦他人冰飲
之時回思庶事草創之艱難轉憶良朋周旋之顯
密敢不布謝輒附芹私尚望包荒可勝仰止

候戶部侍郎陳

伏以過廬必式幸遊文獻之邦襄職無裨慚負繡
驄之節敢披誠而特望沛澤以甦民職掌所關
鑒裁攸賴况仰維桑之誼尤希愛屋之榮恭惟台
臺江河行地松栢挺霄亮節貞心何啻閱經萬變

壯猷遠識真堪立定千勞在普天咸被其雨露豈
全楚顧遺於膏澤苟耳目紀綱之使但能舉地方
利病以相商想股肱喉舌之司何難酌民瘼緩急
以入告某昨當人乏適濫餉差官乃新增百事皆
難於草創法因義起一年幸底於局完雖心血幾
嘔而不敢言勞惟天日可呼而何辭任怨舟車所
至必求我之心手與斯民之幽隱相喻了然腸腎
自謀直願上之膏澤與今日之誅求並行不悖以

此於貴鄉境內粗有所窺遂爾就報命疏中聊敷
厥見慷慨不及鄭俠而流民可圖敢諱其愚簡約
殊愧郇模而邇言始達各成其是持公之愛梓里
必甚於不肖之愛桐鄉望公之亟請命卽視如楚
人之亟倒懸

啓河道尚書朱

伏以恩綸誕布台垣隆主計之權寵眷猷深軍國
拜平章之命九洲遂福四海具瞻仰碩德之懋延

王書慶全集卷之二
慶洪稜之選鬯恭惟台臺勳耆一代連尊德業三
朝碩輔三千年間氣鍾洞庭湘岳之祥五百載昌
期際喜起明良之會早受知於明主遂薦陟乎崇
階天部持衡月卿晉秩董六師而軍戎自肅平九
式而庶民用康曳履動星辰職司喉舌荷囊倚日
月義托腹心不惟懋禹績於豫州行且受伊衡於
鉉鬲其嬾嫚成性淵略當官自慚羽接夫鴛鸞何
幸步聯乎騏驥謬膺餉務庶幾借以告成願備藥
籠自可後邀無恙猥來眷顧而挹德無疆欲報瑤
瓊而竭忱有待銘寸心而感切脩尺楮以輸懷

啓雲南按院朱

伏以玉鳥步南天瞻清輝於萬里碧鷄朝北斗鳴
令譽於九重長城川貴綱維高節雲霄聳峙鳳箋
飛彩龍德颺休恭惟台臺金粟傳香靈芝造福文
公出展武梁州沐揚激之恩波聖主得臣賢甸服

樹金湯之偉伐乘青驄而歷二十二郡仗繡斧而
安伍稔五華大戴春風滿座披之鼓舞曲臺化日
滇方就以懽騰皂囊傾洗甲兵白簡注存丘乘某
輸運計窮于鬼國接濟歲賴于滇池署忝雲南卜
龍劍還復聚首事畢荆楚登鶴樓遙憶知心已塵
雁帛自崇岡而至止特將沅芷比江漢以歸宗儀
慚不興誠持未將幸原萬里之函好麾大門之使

賀治院畢東郊壽序

伏以南極星輝松壽增籌于栢府上台曉粲桃盤
薦實于蘭臺嵩祝鴻禧少伴燕賀恭惟台臺黃嶽
儲精紫陽孕秀雁序以雄文聳壑續八達之家傳
聽冠以直節凌霄紹九臣之世烈提四嵯而觀海
威淨長蛇指二華以行春碑摩落鴈仁風扇薊保
釐勲跨于周邦瑞氣敷郎節制望隆于宋弼捷傳
塞上畢文簡之決策誠超名播禁中畢司馬之籌

邊更悉葵紅萬朶儼如就日之忠桃熟千株恰薦
誕辰之瑞弧星疊麗南山壽應于南郊樞電重輝
北臺名高于北斗耄倪喜動察案懽騰某謬附同
心忻逢初度及瓜催代悵莫與于稱觥采菲遙將
且欲同乎餽鯉甕邊春滿懸知傳九老之樽江外
神馳長願致千春之祝

送中秋

自慙尸素自春不覺徂秋願竭經營計日遂忘看

月西成禾黍止愁葦屋之無年新剔嬋娟寧樂官
衙之有夜桂漿猶渴蘭醴仍遙多君才人婉委之
詞動我老子婆娑之興敬謝

遠緘無忘

雅道

回治院畢東郊中秋啓

伏以令布清商快睹三方振肅光含素灝欣瞻萬
象澄鮮美景幸逢餘光叨蒞恭惟台臺心同月皎

道比秋陽黃白濯霧蚤擅凌雲之賦東南擅美宏
杼捧日之勲新開相府六條遠瞻於風稜宏布霜
威百辟坐澄於水鏡江空似練洗出鄖襄一片秋
月白如銀想見懷影成三酌直令燭燈擲去不須
絃管吹開某自愧踈庸幸霑光被風物關山遠何
當牛渚聯舟天香雲外飄宛在同亭三水先叨賔
既尚忝誠將福澤大同慶躋民鈞天之上華輪峻
陟佇乘槎日月之邊肅此布候伏冀台涵

回荊州抽分主政楊送中秋

伏以月鏡流輝秋色一輪正滿斗衡藉照雲衢千
里常明彩映三台光聯八座欣逢令節敬祝洪庥
恭惟台臺獨握璇璣高調玉燭涼颺布穆扇爲宇
內仁風沈瀝流芳散作人間湛露分清光于八表
百帆喜宵朗之陽懸明鏡于高臺萬舳凜月波之
照惟此半千名世逢茲三五良霄月明梧露冷瑤

王書成全集
琴萬戶之砧聲堪聽風度桂香傳玉宇一江之帆
影無驚大地無塵瑤天不夜飛觴而臨皓彩正旂
常紀績之辰拂袖以挹天香左簡在承綸之日駢
臻泰祉益茂鴻禧某敬肅芹私用將桂醕伏願此
夜此夕瞻霽色南樓座上遙看金鏡飛空明日明
年近日華東閣堦前又見玉繩瀉影

回治院畢東郊送中秋

伏以王風薦爽五色開天柱之雲卿月揚輝千里
撒綺筵之燭對明月而望遠托皓魄以陳辭恭惟
台臺冰鏡無塵天球有韻灑清霜而肅物繁露皆
披澄止水以照人寒空共朗况當開府值此華輪
大臣遠不忘君念瓊樓之先冷賢者樂偕與衆陶
鄙屋以銷愁漢江如練人自韻于登樓峯嶺最高
望已隆于仰斗干將在吳光燭漢圓從玉斧之脩
太白八月績可熙寵拜彤弓之錫某悵鵲羣之遶

樹托鴈陣以隨陽望度屐于襄中莫陪嘯咏采騷
蘭于沅上未侑壺觴何隆貺之先承乃清光之下
照鏤心此日報玖何時

回偏沅李撫臺中秋

伏以玉宇澄清肅一天之灝氣金波圓滿揚萬里
之明輝爰屆良霄茂綏景福恭惟台臺令肅秋霜
心澂止水風清楚旬欣萬舶之來蘇興壓庾樓正
九秋之剛半銀河接地仙風挾蟬竦初升寶蓋當

空妖霧靖麒麟不闕屬當瞻魄初圓正值烏臺受
祉某有懷共賞無地追陪採桂萼以爲漿尚歛一
呈青玉案向錢臺而助興遙知五夜瑩冰壺瑤貺
先頒隆情沃領

回送

九節

令節雖逢而狂酋未滅雖黃花相對而不歡縱白
衣併來而亦載酒東籬宜標韻于處士飄巾西
席有何樂于官僚隆貺遠頒殷誼具領登高能賦

誰抽子大夫之才居中運籌尚藉真豪傑之用

謝工部楊首送中秋黃蘇詩

恭惟台臺朗懸銀漢瑩徹冰壺燁燁旌旄到處星
辰掩映煌煌駟牡竭來江漢均調地肺題肅穆之
勳試羨士安而稱國手壤息奏廓清之烈還看子
美而擅才名人月同清共羨夜吟於袁舫水天一
色更誇斗泛於仙槎值此良霄可無勝賞所恨官

同匏繫竟難地縮房鞭尋敢送還明月各認圓與
不圓况乎起興秋風誰與樂吾所樂隆情欲飽
故園烏鵲三繞南枝美景不虛大地金墓偏明此
夜

同撫臺薛正亭九節

龍山勝地正開府賓從落帽之辰栗里佳辰亦高
士朋儕載酒之日白衣人至黃菊花開言念君子
正宜躬進插萸之觴有懷伊人自應從和登高之

賦方歎縮地之無能乃荷從天之有貺可無報玖
一効呈芹

賀榮府冊封世子啓

恭惟殿下錫命自天衍祥若海葛藟已媿慶于多
男桐封茲承恩于競爽膺厯未艾衍慶無窮某叨
按一方恭逢盛典 端官申賀伏惟尊涵

答朱恒岳

伏以大老望重南天馳威遠服上公名齊北斗生
色小星忽墜雲錦之大章極切鰈魚之厚幸借鳴
子墨寔激寅丹恭惟台臺三朝耆碩百代元勳風
猷夙著于明廷雄略大彰于荒徼禁中頗牧寄以
長城塞上范韓建茲瑋績千屯若雨萬竈成雷保
障金湯全蜀之生靈瞻依以父震驚山岳夷方之
掃蕩迅速如神黃石公之豹略已膽落夫蠻荒武
定侯之龍光定標題于麇閣某攝齋上路歛衽下

風繡袞光被自西已沾暨重湖之表赫躡榮施此
日忽飛來南國之瀕第愧蒲柳之姿允非異植仰
荷岡陵之錫似屬厚誣念茲下乘忝承芳譏黃花
可折恨兩地之難將赤疏徒隄悵一尊之在望頰
躬登拜印首布宣託沅江之水以風馳遡玉壘之
雲而日注

又

恭惟台臺徽源展派嵩甫浮英氣備四時鍾太和

而間出疇綿五福協廸吉以誕生惟茲陽一之辰
幸值桃千之會紫芝與橙金燦冰桃將雪藕偕陳

樹宏業于昌時虜已七擒七縱葆長生于上壽還
儼如岡如陵頃經牙史之章應晉三台之座帝問
風度何如九齡聿見槐階虛左朝稱屢蹠可標銅
柱應令綿蜀安瀾某有懷祝鶴偶阻趨鳧肅陳芹
藻之微用効華封之頌

舊院王 啓

王書成全集
九一
伏以台星依北極縱絃欽斗望之高法曜照中天
搖動凜霜威之肅來標琪樹去企甘棠恭惟台臺
春溫秋殺武緯文經百辟承風警一角神羊之觸
萬民覆露快五花驄馬之來蓋惟名德作名公卿
輿情久屬而以真才爲真御史達論僉歸只今吏
抱案而尚凜餘冰從此河安瀾而無虞他日誰並
嵩高使君之名勒石有懷漢廣斯民之誦彌天某
不肖忝後天中猥承君後臚伎未五而窮螭智累

三已墜入政未聞以政學我則爲之治民湏使其
民孚誰可法也惟有曹隨蕭規嘗欲載其清淨無
論李寬程峻總期入于宣調何日還朝先期勸駕

回賀撫院薛正亭壽

恭惟台翁功高安奠屹乎爲耆舊之中丞福茂岡
陵燁爾映老人於南極頤養不俟芝苓祝誦久殷
黎獻只今多男首兆固應三湘七澤爲華封不日
榮轉遙頒又見紫棘青槐來魏闕某一官尸素半

世蹉跎正屈伯玉知非之歲難辭孔子見惡之譏
作此寂寂能無鄧禹笑人若彼睢睢所恃叔度陶
我何尋常賤降卽自己日時不記乃崇隆遠貺至
遽伴霄漢而頌



卷之四